



Republika e Kosovës
Republika Kosova
Republic of Kosovo



Komuna e Vitisë
Opstina Vitina
Municipality of Viti/na

PROCESVERBAL

NGA MBLEDHJA E TETË E KOMITETIT PËR POLITIK DHE FINANCA

Mbledhjen e thirri dhe e kryesoi z.Bekim Azizi, kryesues i Kuvendit të Komunës së Vitisë. Mbledhja është mbajtur më **21.10.2022 (e Premte)** në zyrën e konferencave të objektit e vjetër të Komunës së Vitisë, duke filluar me punë në ora 10 h. Në mbledhje morën pjesë: z.Hasan Aliu (nënkryetar i Komunës), z.Bekim Azizi (kryesues i Kuvendit Komunal), z.Illir Zuka, z.Ramadan Deliu, znj.Zejnepe Osmani, z.Jakup Demiri, znj.Zyrafete Rama. Mungoj Liridona Bislimi. Morën pjesë edhe drejtorët e drejtorive. Pasi u konstatua se prezent janë 6 anëtarë të KPF-së, andaj kishte kuorum, kryesuesi i Kuvendit e shpalli të hapur mbledhjen.

Kryesuesi z.Bekim Azizi: Përshëndetje për të gjithë ju anëtarë të KPF-së, nënkryetar, drejtorët që janë prezent në këtë mbledhje! Mirë se keni ardhur në mbledhjen e tetë të rregullt të KPF-së për këtë vit! Desha të ju njoftoj se shumicën e aktet që i kemi miratuar kanë marr ligjshmërinë nga ana e MAPL-së, përveç dy akteve që nuk ka është konfirmu ligjshmëria, te pjesa e obeliskut Albright është kërku dokumentacion shtesë, që është dergu nga Drejtoria e Urbanizmit dhe do ta presim informatën tjetër, ndërsa pjesa e diskutimit publik, te plani zhvillimor. Ai plan, domethënë është kthi vendimi që është marrë për diskutim publik, nuk është marrdh për diçka që është jo e ligjshme, po për shkak që nuk është përputh me formën që e kanë të ministrisë, që duhet me dalë aty vetëm për shkak përmbajtjes, formës, shabllonit, qysh duhet me shfaqë aty në është kthi edhe njëherë që duhet me ba plotësim në piken e fundit. A ka dikush jashtë rendit të ditës ju lutem?

z.Illir Zuka: Përshëndetje për të gjithë të pranishmit! Ne e dimë që ka fillu viti shkollor edhe në Pozheran jeni të informumë krejtë se është duke u mbajtur mësimi prej orës 12:30 zyre mos me le me gabu deri në ora 20:00 ne e kemi pasë një kerkesë te drejtoria e inspeksionit apo te drejtoria e shërbimeve publike konkretisht te Bushati për nja 10 herë e kam thirr në telefon dhe i kam bë kërkesë me i qit viat e këmbësorëve, për shkak që janë fshi dhe fëmija po kalojnë vend e pa vend. Kisha pas dëshirë me intervenu se është si urgjente. E kemi pas edhe një kërkesë prej policisë, po për fat të mirë ata ju kanë përgjigj pozitiv prej javës kalume është deri në ora 11 stacioni Pozheranit i hapur, kështu që tu i ditë vështirësitë që i ka shkolla e Pozheranit, të paktën këto mënyra me mujte me i ndihmu. Kam pas me fol edhe për kryetarin e Vetëvendosjes, për një prononcim që e ka bë në medja, po kam qef edhe unë me bë politikë pe lë në kuvend.

z.Ramadan Deliu: Përshëndetje për të gjithë! Unë e kam një pyetje për drejtorin , vendimi për varrezat në Kabashë që na është kthi prapë a keni bë kerkes me ndryshu se ai nuk është lumë me ndryshu emrin edhe me qu në kuvend me votu

z.Ajet Sallahu: Përshëndetje për të gjithë të pranishmit! Unë thirrjen e kam marrë shumë shpejtë. Kërkoj falje, sot nuk mundem me dhanë përgjigje, në seancën e ardhshme sigurisht ka me tu përgjigj.

Kryesuesi, z.Bekim Azizi: Pasi që nuk ka të tjerë për diskutim, për këtë mbledhje kemi këtë:

R e n d d i t e

1. Shqyrtimi dhe miratimi i procesverbalit nga mbledhja e shtatë e Komitetit për Politikë dhe Financa.
2. Pasqyrat Financiare të buxhetit komunal për periudhën Janar-Shtator 2022.
3. Propozim për shqyrtimin dhe miratimin e propozim vendimit për miratimin e Draft Marrëveshjes së Bashkëpunimit ndërmjet Kolegjit UBT dhe Komunës së Vitisë për hartimin e hartës zonale të Komunës se Viti.
4. Propozim për shqyrtimin dhe miratimin e propozim vendimit paraprak për dhënien në shfrytëzim afatshkurtër (1 deri 15 vite), të pronave të paluajtshme komunale përmes ankandit publik.
5. Propozim për shqyrtimin dhe miratimin e propozim vendimit për shqyrtim publik projekt Planin e Zhvillimor Komunal të komunës së Vitisë 2022-2030.
6. Informatë e prokurimeve dhe kontratave të nënshkruara për nëntëmujorin Janar-Shtator 2022

z.Ajet Sallahu: Unë i kamë 3 çështje. E para, piken e katërt të rendit të ditës me terhek, sepse kjo kishte kaluar më herët në kuvend, edhe është formu komisioni. Kjo pikë të hiqet prej rendit të ditës. E dyta, i kam dy propozim ndryshime të vendimeve të mëparshme, që është propozim ndryshim për shpronësim kadastral, që i keni marrë me vendim të mëhershëm. Ministria na i ka dhanë disa sugjerime për me ndryshu, nëse ka mundësi ju lus juve dhe anëtarëve të komunitetit, për shkak të ndjeshmërisë, sepse është fjalën për parcelat që janë te Varret e Dëshmorve, është ish stacioni i veterinarisë edhe parku Sllatinë që janë pronë e AKP-së. Dje isha me zyrtarë atje, na dhanë sugjerime se cilat me shku procedurat dhe çka me ndryshu. Në propozim vendim e këna bë ndryshim plotësimin, kena me përmirësu edhe pak në mënyrë që me shku si pik e rendit të ditës. E kam edhe një pikë të rendit ditës që ka ardh si e ligjshëm prej ministrisë, mirëpo me sugjerimin e Agjensionit Kadastral për Regjistrimin e Pronës me ndryshu vendimin nga caktimi i lokacionit për ndërtimin e objektit të gjykatës në dhënien shfrytëzim afatgjatë të pronës për ndërtimin e objektit të gjykatës. Këto dy lutjet e mia ishin me hi si pika të rendit ditës për seancën e ardhshme.

Kryesuesi, z.Bekim Azizi: Te pjesa e ligjshmërisë kjo na ka ardh masi e kemi kry seancën KPF-së. Te këto zonat që i kemi shpallë në interes, kjo ka qenë që e kemi shpallë me interes edhe më herët mirëpo aty shkrun plotësim ndryshim i ligjit dhe ai plotësim ndryshim na i ka leju këtë formë që e kemi dhanë. Tashti edhe ka kërku që nuk janë në harmoni me ligjin, po na ka ardh me vonesë dhe domethënë tash duhet të shfuqizohet apo vetëm plotësim ndryshim. Kjo te gjykata komunale, ne e kemi bë vendimin për ndarjen e lokacionit në seancën e Janarit nëse nuk gaboj, ndërsa ato e di që edhe këta të gjykatës më kanë thirr, e dijë që kanë bë edhe kërkesë kemi bisedu që atyre ju ka kërku dokumenti për dhënie në shfrytëzim. Kjo është në procedurë të plotë. Unë prej pikave të rendit ditës që më kanë ardh, parimisht do të duhet t'i diskutoj. Unë mendoj që kjo të hiqet gjithqysh, se kjo veç është e miratime dhe kjo në seancën e Qershorit është miratu, është edhe komisioni që e kemi bë, që do t'i kryej me procedurë të ankandit publik të njëjtën kohë është bë edhe një parcelë tjetër në Smirë, diku nja 18 ari edhe për atë e kemi bë komisionin. Tjetra që tha edhe Iliri, na ka ardh pa protokolu, parimisht ki vërejtje Fatlum, pikat që vinë prej rendit të ditës, zakonisht unë i kam besu pikave që na kanë ardh. Unë parimisht këtu nuk shkrun se cilat parcela dhe e kemi pranë si pikë në momentin që na ka ardhë materiali unë e kam ditë që kjo si pikë është e kryme më herët. Domethënë pikat pa procedu, pa protokoll nuk vinë nëpër takime, duhet me pas kujdes në seancat e tjera ma bjen materialin, ma bjen kërkesën dhe fillojmë mbledhjen. Po unë mendoj që ne kemi edhe pika tjera që duhet t'i diskutojmë nënkryetar, e kemi piken që na ka ardh te kjo marrëveshja me UBT-në. Ne një marrëveshje me UBT-në në seancën e qershorit nëse nuk gaboj e kemi miratu dhe në kuadër të këtij miratimi të marrëveshjes, neve na ka ardh prapë e njëjta, që unë mendoj që kjo nuk është në rregull nënkryetar, ne kur e kemi miratu marrëveshjen domethënë është materiali i njëjtë, përpos kësaj është materiali që është i nënshkrum. Marrëveshja që e kemi qu në ministri, tash ne një marrëveshje të nënshkrume, domethënë e kemi miratu, edhe ministria na e ka kthi në komfrom ligjit që është kry kjo, domethënë kjo është e përfundime, tash na ka ardh një marrëveshje tjetër e pa nënshkrume, e pa protokolume po është e njëjta dhe kjo tash ne një marrëveshje kur e kemi miratu të nënshkrume kur është e nënshkrume

është e mbarume. Tash me bë një marrëveshje tjetër, unë sa e pashë nuk jemi në rregull me këtë pikë të rendit ditës.

Nënkryetari, z.Hasan Aliu: Faleminderit kryesues! Plotësisht edhe unë kam pas mendimin si tëndin, megjithatë pas aprovimit nga ana e kuvendit komunal dhe marrjes ligjshmërisë, ka pas ankues në adresë të UBT-së dhe kanë shku te Agjensioni Antikorrupsion dhe prandaj ata më kanë sugjeru në atë kohë. Ti e ke kalu si draft marrëveshje në kuvend dhe pas miratimit si draft marrëveshje duhesh edhe njëherë me kalu si marrëveshje përkundër krejt atyre fjalive që unë i kam thanë, por megjithatë me një fjalë mos u murrët shumë me këtë problematikë, jam tu ja bë qefin, se draft marrëveshja kur i nënshtrohet kuvendi dhe miratohet, marrëveshja behet marrëveshje, por në këtë formë e ka kerku agjencia antikorrupsion. Jam marr nja 3-4 ditë me ta dhe tash pikërisht për atë ja kam sjell këtu. Besoj që të keqe te kundërligjshme nuk ka, por ka përsëritje të procedurës dy herë për shkak se me siguri që këta badihavgji rrugëve, po kanë kohë me bë kësi lloj ankesa. Tani 1 javë ditë merresh ti me ta, qishit dokumenti kërkojnë dhe arsye është kjo se, e kemi pas edhe ne në konsideratë, edhe un edhe Fatlumi e kam ngrit edhe në aspekt procedural, se draft marrëveshja, momentin e aprovimit behet marrëveshje.

z.Illir Zuka: A munden me na qitë ndonjë problem Ministria e Pushtetit dhe Administrimit Lokal kur e qon atje, se përshembull ti e ke kalu këtë, çdo pikë që na vjen na vjen si propozim vendim e kur kthehet bëhet vendim.

Nënkryetari, z.Hasan Aliu: Unë e kam sjellë, se ministria e ka konfirmu, ti e ke kalu këtë, prandaj s'ka nevojë edhe atë dokument unë e ruaj. A e kemi të kjart, unë po du me pas mbulueshmëri në radhë të parë për kabinetin e kryetarit edhe për kuvendin.

z.Bekim Azizi, kryesues i kuvendit: Pika e katër e rendit të ditës tërhiqet nga rendi i ditës në kuadër të propozimeve të drejtorit. Unë po e qes në votim që këto dy pika të hinë në rend të ditës. Nga të gjithë u miratuan, që dy pikat e propozuara të hyn në rend dite. E qes në votim për miratim rendin e ditës. Nga të gjitha u miratu rendit i ditës.

Si pikë të parë të rendit të ditës kemi:

1. Shqyrtimi dhe miratimi i procesverbalit nga mbledhja e shtatë e Komitetit për Politikë dhe Financa

Kryesuesi, z.Bekim Azizi: Hapi debat për këtë pikë të rendit të ditës. Pasi qe nuk ka për diskutim, e qes në votim për miratim. Nga të gjithë u miratu procesverbali.

Si pikë të dytë të rendit të ditës kemi:

2. Pasqyrat financiare të buxhetit komunal për periudhën Janar - Shtator 2022

z.Berat Zuka, zyrtar i Drejtorisë për Financa: Përshëndetje për të gjithë! Në mungesë të drejtorit i cili është në udhëtim zyrtar jashtë vendit, bazuar në Ligjin mbi Vetëqeverisjen Lokale dhe në Ligjin mbi Menaxhimin e Financave, neni 45, organizatat buxhetore i obligon që, brenda periudhës tre mujore të përgatitin raportet financiare të dërgojnë në kuvendin komunal dhe ti publikoj ne web. Sektori jonë, edhe pse ka qenë i angazhuar me buxhet pas miratimit në kuvend, mirëpo i kemi përgatit pasqyrat financiare, me datën 14 Tetor i kemi dërguar, ndoshta po i vonojmë pak, sepse Fatlumi gjithëherë naj kërkon me kohë po kemi edhe të hyra të tjera e sun po i bëjmë me kohë. Te këto pasqyra i kemi të paraqitura të hyrat dhe të dalat ose alokimet e buxhetit dhe shpenzimet. E kam me veti edhe një listë sqaruese për disa kode, sepse edhe më herët i kemi sjell, kështu që me e sqaru më mirë. Materialin e keni marr me kohë, për pyetjet shitesë jam në dispozicionin e juaj.

Kryesuesi, z.Bekim Azizi: Hapi debat për këtë pike të rendit të ditës.

z.Jakup Demiri: Përshëndetje të nderuar të pranishëm! Pasqyrat financiare, shohim se të hyrat dikun janë të realizueshme 85.13%, ndërsa krahasuar me të hyrat e një viti më par, të hyrat janë dikun për 24 mijë 775 euro më shumë. Po filloj me shpenzimet e përgjithshme të pasqyrat vjetore, Berati i shpjegoj, po po e jap si vërejtje, që është mirë kur të vjen materiali me na ardh edhe qekjo listë, pavarësisht që e keni shtu me një kod të jen më të sqaruara më mirë, duhet me naj sjell së bashku me material. Tek shpenzimet e rrymës i kemi 132

mijë euro. Këtë po e potencoj, sepse po dal tek krahasimi, shpenzimet e telefonisë mobile janë 12 mijë e 191 euro që dikun janë për 1550 euro me të ulëta se vitin e kaluar e që mendoj që këto shpenzimet mund të minimizohen edhe shumë më shumë, sepse telefoni mobile me hargju 12 mijë euro për 9 muaj nuk është hiq e arsyeshme. Mobile e kemi prapë kodin 13501, ku është 41 mijë e 979 euro, janë mobil, nuk e dimë se çfarë mobile janë këto. Pajisje të tjera, kodi 13509, janë 118 mijë e 993 euro. Çka janë këto, çfarë pajisje, furnizim me ushqim dhe pije, jo dreka zyrtare i ke 11 mijë e 351 euro, furnizim me veshmbathje 4410 euro. Çka janë këto? Derivate të veturave i kemi 42 mijë e 66 euro; mirëmbajtja dhe riparimi i automjeteve 20 mijë, nuk është shumë; dreka zyrtare janë 26 mijë e 458 euro. Cilat janë këto dreka? Te shpenzimet e telefonisë, krahasu vitin e kluar me këtë vit, këtë vit janë 1553 euro me te vogla. Unë mendoj që janë shumë, sepse ka mundësi mu shfrytëzuar rrjetet sociale, derivate për vetuara i kemi krahasimi këtë vit me vitin e kaluar i kemi për 18 mijë e 973 euro me shumë. A është si pasoj e çmimit të ngritur apo jemi tu hargju më shumë në litra. Tek mirëmbajtja e autorrugëve: a është shtu metri katror apo është rrit çmimi.

z.Berat Zuka, zyrtar i Drejtorisë për Financa: Si raport financiar po e ngarkojmë me shënime të tepërta. Më herët kem pas edhe vërejtje, pikërisht nga Komiteti për Politikë dhe Financa, se një raport tjerat komuna me 7-8 faqe e prezanton, mirëpo ne jemi tu shku në kuadër të pasqyrave financiare edhe për juve me u kanë më të kapshme më të lehta. Edhe neve na duhet si kontroll e buxhetit me u kontrollu shpenzimet me sistemin e balancës, me arkivën tonë, kurse kjo e pasqyrave sqaruese mundemi me paraqit si ta parasheh të arsyeshme. Për shpenzimet aktuale, unë si zyrtar i drejtorisë nuk mundem me dhanë shënime të sakta ose juve me ju bind pse ka ndodh, po këto janë shpenzime që kanë ndodhë për shkaqe të ndryshme. Përshembull te ne e dimë sa i kemi marrë më herët, sa paguajmë. Tash është një çmim i ngritur, kurse te këto tjerat që Jakupi i kërkoj te mobiljet, kemi 3 parë furnizime, kemi furnizimi me inventare nëpër shkolla 29 989 euro, inventar për ambulanta 10 mijë euro, furnizim me inventar edhe drejtoria e inspeksionit 1490 euro, një shumë totale në raportin e juve është gati 42 mijë euro. Te pajisjet tjera, kemi furnizime për të gjitha pagesa për projektin; mirëmbajtja e ndriçimit publik dhe deponimit të qytetit. Shuma prej 47 mijë euro, ventilimi qendror në objektin e ri të komunës 3994 euro, furnizimi me projektor nëpër shkolla 35,980 euro. Domethënë është një kod i pajisjeve që të gjitha duhet të evidentohen, mirëpo kodohen shpenzime te ndryshme nëpër programe të ndryshme, si shihen furnizime, pastrimi, mandej derivatet e veturave.

Nënkryetari, z.Hasan Aliu: Këto të cilat janë kode të përgjithshme, shërbimet kontraktuese, pajisje tjera. Këto i merr, i specifikon sikur po i thu këtu dhe në kuvend I sjell shefit të grupit Vetëvendosje, PD-së, LDK-së tashti, por mos me u zgjenu debati shumë, kanë të kjo se çka ka ndodhë aty.

z.Ramadan Deliu: Mu po më quditni që po thu e ban një shefit të grupit. Pse nuk ja jepni Fatlumis edhe i shkep nëpër krejt.

z.Illir Zuka: Unë po quditna kush e ka marrë këtë vendim. Për këtë thashë edhe nuk po foli. Shefi i grupit po na përfaqsojka neve, ne nuk paskemi nevojë me qenë hiq. Është e pahijshme kryesues, nëse kërkojmë do ta kërkojmë për krejt, se shefi i grupit e përfaqëson vetëm veten, nuk mundet me na përfaqësua neve.

Kryesuesi, z.Bekim Azizi: A jeni që kjo pikë e rendit të ditës të shkon në kuvend. Nga të gjithë u miratu.

Si pikë të tretë të rendit të ditës kemi:

3. Propozim për shqyrtimin dhe miratimin e propozim vendimit për miratimin e Draft Marrëveshjes për Bashkëpunim ndërmjet Kolegjit UBT dhe Komunës së Vitisë për hartimin e hartës zonale të Komunës së Vitisë

Nënkryetari, z.Hasan Aliu: Faleminderit kryesues! Nëse e kemi pas edhe më herët një draft marrëveshje, është pa ndryshime. Unë fillimisht ju tregova cila ka qenë arsyeshmëria, që për mua është e palogjikshme, po megjithatë me i ikë thirrjeve dhe kontrollave të cilat bëhen, duhet me u pajis me dokumente të cilat janë edhe për agjensi edhe për ministri, por edhe për komunë. Arsyeja është kjo të cilën e kam sjell, e kam konsideru që në këtë seancë edhe diskutimi publik me u përputh, se ata veç i kemi qit dhe jemi detyru me terhek që të shkon në këtë seancë, që të fillohet për shkak të interesimit të madh të kompanive të ndryshme për ndërtim

në Komunën e Vitisë që mos ti vonojmë dhe fshatrat të cilat gravitojnë në Komunën e Vitisë, prandaj kjo është ajo. Të gjithë jeni dëshmitarët të asaj, që draft marrëveshjen e posaqme e keni pas, është pa ndryshime.

z.Jakup Demiri: Unë deshta me dhanë një vërejtje, kjo ka qenë seancë e muajit maj. Na ka ardh pak von, shqetësimi është që ne nuk kemi pas kohë as me analizu materialin dhe e kemi votu një dokument të paanalizim. Tasht nuk po hi anej te puna e ministrisë, dokumentin plotësues na nuk kemi pas kohë me lexu, e dini mirë kolegët që e kemi votu kur është një dokument kaq i rëndësishëm, mendoj që duhet të kemi kohë kogja shumë që të marrim edhe opinionin prej profesionisteve, se e kemi votu një dokument siç është plani zhvillimor komunal.

Kryesuesi, z.Bekim Azizi: Unë nuk mundem me u bind që kjo duhet me ardh apet në kuvend, se kemi votu një herë, mirëpo herën e parë ka ardh si drafte, tashti si marrëveshje.

Nënkryetari, z.Hasan Aliu: Ne e kemi formu një grup në kuadër të komunës. Kjo grupa punuese ka nevojë për ekspert, këta e kanë kry një pjesë bukur të madhe, është një ekip prej 15 vetave dhe që tash kjo marrëveshje është. Gjitha punët çka ju preket punëve administrative në komunë, grupa punuese e jona bashkëpunon, ne kemi me I hap rrugë një ekipi që është ma profesionist për këtë çështje. Tani hartimi I hartave zonale, ato do të dalin edhe në diskutim publik, do të vinë në kuvend, a I kanë bë mirë a si kanë bë 7 ditshmi I parë të cilin e kemi pas në diskutim publik, a besoni asnjë njëri nuk ka shku në shqyrtim publik dhe është shumë brengosëse se kur i ki vërejtje ulen njerëzit profesional të asaj lamie edhe cilat kanë mundësi të inkorporohen do të inkorporohen edhe do ta kemi ndikimin e qytetarëve në vendimmarrje.

z.Jakup Demiri: Komuna ka emru stafin për grupin punues bazë të projektin e hartës zonale komunale për Komunën e Vitisë, asnjë nuk e ke.

Kryesuesi, z.Bekim Azizi: A jeni që kjo pikë e rendit të ditës të shkon në kuvend? Nga të gjithë u miratu.

Si pikë të katërt të rendit të ditës kemi:

4. Propozim për shqyrtimin dhe miratimin e propozim vendimit për shqyrtim publik projekt Planin e Zhvillimor Komunal të komunës së Vitisë 2022-2030

z.Visar Demiri drejtor: Përshëndetje për të gjithë! Ne veç në muajin e kalum e kemi pas në kuvend këtë pikë, po për shkak të një shablloni që se kemi ndjek gjatë hartimit të propozim vendimit, ministria na e ka kthi përmbajtësish. Pak a shumë është e njëjta, s'ka ndryshu ku me ditë çka me këtë Plan Zhvillimor Komunal të vitit 2022-2030, i cili do të ekspozohet në sallën e kuvendit të komunës, në shtëpinë e kulturës për të promovu gjithëpërfshirjen e transparencën do të mbahen edhe prezantime shtesë sipas planit të organizimit të aktiviteteve gjatë kohës së shqyrtimit publik për të gjitha prezantimet publike do të mbahet procesverbal. Shqyrtimi i Projektit Planit Zhvillimor Komunal të Komunës së Vitisë 2022-2030 zgjatë 30 ditë sipas procedurave të përcaktuara me ligje. Ky propozim vendim shfuqizon vendimin për shpalljen shqyrtim publik të Projekt Planit Zhvillimor Komunal të Komunës se Vitisë me Numër 01-110/05-1061, i datës 29.09.2022.

Kryesuesi, z.Bekim Azizi: A jeni që kjo pikë e rendit të ditës të shkon në kuvend? Nga të gjithë prezent u miratu edhe kjo pikë.

Si pikë e pese e rendit të ditës kemi:

5. Propozim për shqyrtimin dhe miratimin e Propozim Vendimit për ndryshim plotësimin e Vendimit Nr.01-110/05-1067, të datës 28.09.2022 për shpalljen interes të përgjithshëm ngastrën kadastrale në Zonën Kadastrale në Viti, Radivojc dhe Sllatinë

Kryesuesi, z.Bekim Azizi: Ne veç e kemi shpallë zonë me interes. Tashti parimisht bëhet plotësim ndryshimi i ligjit për shpronësim. Më herët veç i kemi shpallë çdo 3-4 vite, i kemi ruajt këto zona që i përmendi drejtori, varrezat e dëshmorëve dhe tashti propozimi që ka ardh te drejtori të hyn në rend të ditës që të bëhet ky plotësim, që të shpronësohen këto prona, të jen prona komunale në të ardhmen.

z.Ajet Sallahu: Propozimi është bë krejt në rregull, nuk ka asgjë në kundërshtim me ligjin, mirëpo tashti i shtohet edhe preambulla ligji mbi shpronësimin, se kjo është një shpronësim i AKP-së, prandaj këtu shkohet

në bazë të nenit 44, rregullores mbi shpronësimin, e që kryetari këtu ka kërkuar Ministrisë së Mjedisit, Planifikimit dhe infrastrukturës, që të filloj procedurat e shpronësimit. Domethënë ne e përgatisim elaboratin, ja bëjmë kërkesën ministrisë dhe ministria përgatit shpronësimin.

Kryesuesi, z.Bekim Azizi: A jeni që kjo pikë e rendit të ditës të shkon në kuvend? Nga të gjithë u miratu.

Si pikë të gjashtë të rendit të ditës kemi:

6. Propozim për shqyrtimin dhe miratimin e propozim vendimit për ndryshim plotësimin e vendimit Nr.01-110/05-110, të datës 01.02.2022, për caktimin e lokacionit për ndërtimin e objektit të Gjykatës Themelore në Gjilan dega në Viti

z.Ajet Sallahu: Pas ndërhyrjes së agjensionit kadastral, se kjo pronë me këtë vendim që e keni marrë është kanë në rregull, jo i paligjshëm, mirëpo agjensioni kadastral ka ndërhy se nuk duhet të bëhet caktim i lokacionit për ndërtim të objektit, po për dhënie në shfrytëzim në raste të veçanta të pronës komunale dhe të jepet në shfrytëzim dhe që në fund edhe kryetari i komunës të nënshkrun marrëveshje, në këtë rast me Këshillin Gjyqësor të Kosovës.

Kryesuesi, z.Bekim Azizi: Në bazë të saj, ndërtimet që i banë komuna, investimi i komunës që bëhet edhe i qytetarit, domethënë kjo është caktim lokacionit, objekti që ja jep gjykatës, ai është objekt në shfrytëzim. A jeni që kjo pikë e rendit të ditës të shkon në kuvend. Nga të gjithë u miratu.

Si pikë të shtatë të rendit të ditës kemi:

7. Informatë e prokurimeve dhe kontratave të nënshkruara për nëntëmujorin Janar-Shtator 2022

z.Fadil Abazi: Unë e kam prezantuar një informatë prokurimeve gjatë nëntëmujorshit të vitit 2022. Ju e keni tabelën ku cilën përshkruhen të gjitha projektet që janë me shuma operatorin ekonomik, data e lidhjes, kontratën dhe të gjitha tjerat. Deri tash i kemi përmbyll 46 aktivitete, ndërsa krejt procedura I ka 62, tjerat 16 janë në procedurë e sipër. Në kryerjen e procedurave, kemi 2 raste me procedura të hapura, me 18 raste është kuotim I çmimeve me 1 rast është procedurë minimale dhe me 1 aktivitet kemi miniprocedurën, ndërsa sa I përket ndarjes sipas punëve dhe shërbimeve, I kemi 18 aktivitete që janë shërbime, 14 aktivitete janë punë, 30 janë furnizime, shuma tjera nuk e di, tekstin e keni a me lexu krejt apo mundemi me vazhdu me tabelën.

Kryesuesi, z.Bekim Azizi: Nëse kish bë një skjarim me kuptu, te kjo rubrika e dytë ku është vlera e parashikuar e kontratës pa u bë zotimi edhe rubrika e 3, çmimi i kontratës duke i përfshi të gjitha taksat, përshembull projekti 2 vjeçar shërbime me Karitas, kontrata e nënshkrime 700 mijë. Tashti kemi disa vende të njëjta, kemi riparim nëpër shkolla, vlera e zotume 360 mijë, kontrata 213, po kemi edhe raste kur është vlera e zotume ose e planifikime me e madhe, pjesa më e vogël. Tashti këtu një skjarim profesional.

z.Fadil Abazi: Paraja rrjedh, nuk mundesh krejt zotimin e ka kuptimin që ato pare komuna i ka planifiku. Ky 700 mij nuk është për 1 vjet, po për 2. Të gjitha rastet që I shifni ku janë vlera e planifikur dhe vlera e kontratës, e njëjtë janë kontrata kornizë me çmimin njësi, aty është tavani, tashti e lidh një kontratë, e jep një njësi 132 euro ose me 4 mijë euro, ndërsa shumën e kontratës e ka 700. Ai është tavani, kemi raste ku ka njëherë I kemi kalu planifikimet për shkak te rrethanave të tilla të tregut që janë përshebull te shkollat. Mirë është 316 213 oferta, kjo është pak herët në Pranverë, ndërsa kemi rritje dikun te punët ka pak I kemi kalu, mirëpo problem është krejt te tregu I çmimeve, sivjet nuk ka pas një standard, përshembull nëse vjet e kemi kontrakti asfaltin që e bëjmë zakonisht me 7 cm, çmimet janë kontrakti prej 5.5 deri 6, sivjet është prej 12 e përpjet. Ligji e lyp vetëm me u zotu, me u plotësu autoriteti në këtë rast financat me u zotu, se prej te hyrave të tashme muj me inkorporu këtu, domethënë janë kode ekonomike të hapura që ka mundësi me qitë, në ta ki të hyrat 200 mi euro I merr I shperndan të gjitha ka pak. Kemi pas raste të tilla edhe viteve të tjera, që I kemi tejkalu kaniherë, mirëpo gjithmonë I kemi mbyll, gjithmonë në vit të ri dalmi mirë, nuk kemi mbet borxhe kurrë, se problem është nëse ti e ngarkon buxhetin edhe del 1 milion apo 2 milion borxhe. Ne kurrë s'kemi borxhe, një provojë e mirë, një traditë e mirë që me I krahasu veç Gjilanin edhe Ferizajn I shef gjithmonë I bartin edhe kur të ndërrohen pushtetet, ka 5-6 milion I kanë borxhe, sepse lidhin kontrata të paarsyeshme. Ne gjithmonë këto I diskutojmë, I aprovojmë, a kemi mundësi me këtë kapacitet, me këtë vlerë me përmbyll, me

përmbush, atëherë kur vendosim që e përmbushim e nënshkruajmë deklaratën e nevojave. Ki ndonjë kodë që nuk është zhvillu, hiq puna dhe janë bartë këto bartje vinë përmes kuvendit nëpër kode buxhetore.

z.Ramadan Deliu: Deshta me vet, furnizimin me gjenerator te komuna e re, 23 mijë euro. Aty është gjeneratori, nuk e kanë kall kurrë.

z.Fadil Abazi: Kemi provu 2 herë me ndreq, nuk bënë, edhe zyra ka bë kërkesë një gjenerator me ble 16 mijë e 100 euro.

Kryesuesi, z.Bekim Azizi: Kjo pikë e rendit të ditës nuk shkon në kuvend. Ju falënderoj për kontributin e dhënë në këtë mbledhje. Me kaq e përfundojmë këtë mbledhje.

Mbledhja përfundoi në ora 11:30

Procesmbajtësi:
Fatlum Demiri

Kryesuesi i Kuvendit Komunal:
Bekim Azizi
